

CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES, A CONFEDERACIÓN GALEGA DE ASOCIACIÓNS VECIÑAIS *ROSALÍA DE CASTRO* E AS SÚAS FEDERACIÓNS VECIÑAIS PARA O FINANCIAMENTO DA PROGRAMACIÓN E O DESENVOLVEMENTO DE ACTIVIDADES PROPIAS E GASTOS DE FUNCIONAMENTO

REUNIDOS

Dunha parte, Diego Calvo Pouso, conselleiro de Presidencia, Xustiza e Deportes, actuando en nome e representación da Xunta de Galicia, en virtude do Decreto 44/2024, do 14 de abril, polo que se nomean os titulares das consellerías da Xunta de Galicia (DOG núm. 73, do 14 de abril), no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia.

Pola outra parte, Fernando Rois Rois, como presidente e representante da Confederación Galega de Asociacións Veciñais *Rosalía de Castro*, en virtude do acordo da asemblea xeral do 24 de marzo de 2023, que continúa vixente segundo consta na certificación emitida pola secretaría da Confederación.

María Luisa Varela Insua, como presidenta e representante da Federación de Asociacións Veciñais da Coruña e Área Metropolitana, en virtude do acordo adoptado pola asemblea xeral o día 5 de maio de 2022 que continúa vixente, segundo consta na certificación emitida pola secretaría da Federación.

Andrés Medín Fernández, como presidente e representante da Federación de Asociacións de Veciños *Roi Xordo* de Ferrol, en virtude do acordo adoptado pola asemblea xeral o día 21 de xuño de 2021 que continúa vixente, segundo consta na certificación emitida pola secretaría da Federación.

Jesús Vázquez Varela, como presidente e representante da Federación de Asociacións de Veciños de Lugo *Lucus Augusti*, en virtude do acordo adoptado en asemblea xeral o día 24 de xullo de 2023, que continúa vixente segundo consta na certificación emitida pola secretaría da Federación.

Manuel Mosquera Rodríguez, como presidente e representante da Federación de Asociacións de Veciños de Ourense *Limiar*, en virtude do acordo adoptado pola asemblea xeral o 6 de febreiro de 2023 que continúa vixente, segundo consta na certificación emitida pola secretaría da Federación.

Juan Manuel Loureiro Taibo, como presidente e representante da Federación de Asociacións de Veciños de Pontevedra *Castelao*, en virtude do acordo adoptado pola asemblea xeral o día 21 de xullo de 2018 que continúa vixente, segundo consta na certificación emitida pola secretaría da Federación.

Todas as partes recoñécense mutuamente, na calidade en que interveñen, capacidade legal suficiente para o outorgamento deste convenio e para o efecto,

EXPOÑEN

PRIMEIRO. As administracións públicas, os seus organismos públicos e entidades de dereito público vinculados ou dependentes e as universidades públicas, no ámbito das súas respectivas competencias, poderán subscribir convenios de colaboración con suxeitos de dereito público e



privado, sen que isto poida supor cesión da titularidade da competencia, ao abeiro do disposto no artigo 48 da Lei 40/2015, do 1 de outubro, de réxime xurídico do sector público.

SEGUNDO. A Lei 5/1997, do 22 de xullo, de Administración local de Galicia, establece que desde a Xunta de Galicia deberá favorecerse o desenvolvemento das asociacións que se constitúan para a defensa dos intereses xerais ou sectoriais dos veciños dos concellos de Galicia, tendo as asociacións que se constitúan con esta finalidade a consideración de entidades de participación cidadá e, xa que logo, erixíndose nun dos elementos clave de vertebración da política e da vida local dos concellos galegos.

TERCEIRO. No artigo 1 do Decreto 136/2024, do 20 de maio, polo que se establece a estrutura orgánica da Consellería de Presidencia, Administracións Públicas e Xustiza (DOG núm. 101, do 27 de maio) atribúenselle a este departamento as competencias e funcións de elaboración, proposta e execución da política do Goberno galego en materia de administración local, que exercerá no nivel de desenvolvemento que se indica neste decreto para cada un dos órganos que integran este departamento.

No exercicio destas competencias, correspóndenlle as relacións coas entidades locais e coas demais institucións relacionadas co ámbito do poder local, en particular o fomento do asociacionismo veciñal.

CUARTO. A Confederación Galega de Asociacións de Veciños "Rosalía de Castro" (en diante CoGaVe) ten como un dos seus obxectivos primordiais dinamizar o movemento veciñal de Galicia, dando os servizos que as federacións confederadas demandan para garantir o mellor funcionamento asociativo e as melloras necesarias para o desenvolvemento óptimo na comunidade autónoma, o que repercute dun xeito directo en cada unha das persoas que a conforman.

A Confederación está integrada por sete federacións veciñais:

1. Na provincia da Coruña:
 - Federación de Asociacións Veciñais da Coruña e Área Metropolitana
 - Federación de Asociacións Veciñais de Ferrol *Roi Xordo*
2. Na provincia de Lugo, a Federación de Asociacións de Veciños de Lugo *Lucus Augusti*
3. Na provincia de Ourense, a Federación de Asociacións de Veciños de Ourense *Limiar*
4. Na provincia de Pontevedra:
 - Federación de Asociacións de Veciños de Pontevedra *Castelao*
 - Federación de Asociacións Veciñais de Vigo *Eduardo Chao*
 - Federación Veciñal *O Facho* de Cangas do Morrazo

Segundo consta na certificación emitida polo secretario de CoGaVe, as federacións veciñais *Eduardo Chao* de Vigo e *O Facho* de Cangas do Morrazo non cumpren os requisitos esixidos para a sinatura deste convenio.

QUINTO. De acordo coa información facilitada o 4 de abril de 2024 polo Servizo de Entidades Xurídicas e Corporativas da Consellería de Presidencia, Xustiza e Deportes, na data actual figuran inscritas na categoría de confederacións de veciños, a Confederación Galega de Asociacións Veciñais *Rosalía de Castro* (en diante, CoGaVe) co número 2000-10-2 e a Confederación de Asociacións de Veciños de Galicia co número 2004-123-2.

De entre elas, CoGaVe ten claramente unha maior representatividade no ámbito autonómico agrupando un maior número de federacións de asociacións veciñais implantadas nas catro provincias da Comunidade Autónoma de Galicia, entre outras, federacións da Coruña, de Lugo,



de Ourense, de Ferrol ou de Vigo. Mentres a Confederación de Asociacións de Veciños de Galicia só agrupa tres federacións de asociacións de veciños, unha delas na provincia da Coruña e outras dúas na de Pontevedra.

Por outra banda, respecto de CoGaVe conséntase a súa actividade mediante o devandito informe no que consta que a última inscrición realizada é do 16 de xullo de 2021. No caso da Confederación de Asociacións de Veciños de Galicia non se ten constancia das inscricións dende o 5 de novembro de 2004.

Do anterior, infírese que CoGaVe é a única Confederación de Asociacións de Veciños de ámbito autonómico que mantén actividade e funcionamento regular ademais de ostentar unha maior representatividade. O seu desenvolvemento produce unha serie de obrigas económicas derivadas da necesidade de persoal, así como a mantenza dunha sede e dos gastos de funcionamento que isto ocasiona, entre outros o consumo eléctrico, de auga, teléfono, e organización de actividades.

SEXTO. A Consellería de Presidencia, Xustiza e Deportes ten interese en contribuír á mellora da calidade da vida local, no marco da súa liña de colaboración coa Administración Local, mediante o estímulo da dinamización da vida interna das asociacións, na procura de ámbitos de convivencia colectiva, de harmonización social e de potenciación dos valores e finalidades socioculturais das organizacións veciñais de Galicia. Por tal motivo, atopa de interese impulsar o funcionamento da estrutura veciñal de Galicia, polo que supón de estímulo á realización de actividades que redundan na mellora da vida local que é o ámbito máis próximo e que redonda de xeito máis directo na vida das persoas.

A necesaria aplicación de criterios de eficiencia na asignación dos recursos públicos, nun contexto orzamentario necesariamente estable, aconsellan a aplicación dos fondos dispoñibles para o funcionamento do asociacionismo veciñal a través de CoGaVe e cinco das federacións que a compoñen, por ser esta a organización que agrupa ao maior número de asociacións e federacións de asociacións de veciños de Galicia, e a única que desenvolve unha actividade regular, práctica e eficaz no mantemento do tecido asociativo no ámbito das catro provincias de Galicia, concordando no cumprimento dos obxectivos desta consellería de impulsar o funcionamento da estrutura veciñal e de estimular á realización de actividades neste ámbito, de propiciar o desenvolvemento das asociacións que se constitúan para a defensa dos intereses xerais ou sectoriais dos veciños dos concellos de Galicia e traballar conxuntamente cara o obxectivo común de mellorar o benestar e a convivencia cotiá nos barrios e parroquias de toda Galicia.

A conxuntura descrita e o obxectivo da actuación e o feito de ser CoGaVe a confederación veciñal de ámbito autonómico que mantén unha actividade e funcionamento regular ademais de ostentar unha maior representatividade, así como a existencia de crédito axeitado e suficiente para a súa aplicación eficaz no mantemento do tecido asociativo veciñal sobre o que se actuará a través do convenio que se pretende subscribir, acreditan a existencia de razóns de interese público que xustifican o recurso ao procedemento excepcional de concesión directa dunha subvención a favor de CoGaVe e cinco das federacións veciñais que a compoñen, relacionadas no punto cuarto da parte expositiva deste convenio.

SÉTIMO. Conforme co establecido no artigo 26.2 da Lei 9/2007, do 13 de xuño, de subvencións de Galicia (en diante, Lei 9/2007, do 13 de xuño), faise constar que neste convenio non son de aplicación os principios de publicidade e concorrência pública, xa que o obxecto do convenio é atender as circunstancias específicas de CoGaVe e cinco das federacións veciñais integrantes, sendo preciso que estas entidades contén co persoal necesario, así como a mantenza dunha sede e dos gastos de funcionamento que isto ocasiona, entre outros o consumo eléctrico, de

auga, teléfono, e organización de actividades, tanto da propia Confederación como das federacións de veciños que participan neste convenio, co fin de prestar un mellor servizo ás asociacións veciñais membros das federacións e, a través destas, á veciñanza en xeral.

OITAVO. CoGaVe e as cinco federacións veciñais asinantes, acreditaron o cumprimento dos requisitos para obter a condición de entidades beneficiarias dunha subvención de acordo co disposto no artigo 10 da Lei 9/2007, do 13 de xuño.

NOVENO. Así, co fin de materializar a cooperación antes descrita, e estimando que concorren as circunstancias que así o aconsellan, a Xunta de Galicia, a través da Consellería de Presidencia, Xustiza e Deportes, acorda subscribir o presente convenio de colaboración con CoGaVe e as cinco federacións veciñais integrantes que se relacionan na cláusula primeira deste convenio, para o financiamento da programación e desenvolvemento de actividades propias e gastos de funcionamento das referidas entidades, consonte as seguintes

CLÁUSULAS

PRIMEIRA. Obxecto

O obxecto do presente convenio é fixar as liñas de colaboración entre a Consellería de Presidencia, Xustiza e Deportes e a Confederación Galega de Asociacións Veciñais (CoGaVe) máis cinco das sete federacións veciñais que compoñen esta, que son a Federación Veciñal da Coruña e Área Metropolitana, a Federación de Asociacións Veciñais de Ferrol *Roi Xordo*, a Federación Veciñal *Lucus Augusti* de Lugo, a Federación Veciñal *Limiar* de Ourense, e a Federación de Asociacións de Veciños de Pontevedra *Castelao* (en diante, as entidades beneficiarias), para o financiamento da programación e desenvolvemento de actividades propias e gastos de funcionamento.

SEGUNDA. Obrigas das entidades beneficiarias

Ademais das establecidas con carácter xeral na Lei 9/2007, do 13 de xuño, de subvencións de Galicia e na súa normativa de desenvolvemento, son obrigas das entidades beneficiarias:

1. Destinar os fondos que se perciban ao obxecto concreto para o que se concede esta subvención, executar as actuacións que constitúen o obxecto deste convenio e cumprir todas as condicións e obrigas recollidas nel.
2. Xustificar ante o órgano concedente o cumprimento da finalidade da subvención, a realización da actividade ou adopción do comportamento que fundamentou a súa concesión e o seu custo real, nos prazos e na forma establecidos neste convenio.
3. Proceder ao reintegro, total ou parcial, das cantidades percibidas, se as houbese, xunto cos xuros de demora correspondentes, segundo o procedemento establecido no artigo 38 da Lei de subvencións de Galicia, nos seguintes supostos:
 - a) Incumprimento das condicións establecidas para a concesión da subvención.
 - b) No caso de se realizar pagamentos anticipados e as entidades beneficiarias non presentasen a xustificación da subvención no prazo e na forma previstos neste convenio.
 - c) Reintegrarase o exceso de financiamento público polo importe pagado que exceda da cantidade resultante de aplicar ao gasto xustificado a porcentaxe de subvención

correspondente, nos termos do artigo 21 do Decreto 11/2009, do 8 de xaneiro, polo que se aproba o Regulamento da Lei de subvencións de Galicia (en diante, Decreto 11/2009 do 8 de xaneiro).

- d) Nos suposto de que se produza exceso das subvencións percibidas de distintas entidades públicas respecto do custo do proxecto ou actividade, nos termos do artigo 23 do Decreto 11/2009, do 8 de xaneiro.
 - e) Incumprimento das obrigas establecidas no artigo 11 e 15 da Lei 9/2007, do 13 de xuño.
 - f) Nos demais supostos de aplicación, nomeadamente os establecidos no artigo 33 da Lei 9/2007, do 13 de xuño.
4. Comunicarlle ao órgano concedente a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.
 5. Consentir expresamente a inclusión dos datos relevantes deste convenio nos rexistros públicos que proceda, conforme coa disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da comunidade autónoma para o exercicio 2006 e artigo 16 da Lei 9/2007, do 13 de xuño.
 6. Prestar a colaboración e facilitar canta documentación lle sexa requirida ás entidades beneficiarias, no exercicio das funcións de control que lle corresponden á Intervención Xeral da Comunidade Autónoma, ao Consello de Contas e ao Tribunal de Contas, así como o sometemento ás actuacións de supervisión e control previstas na Lei 9/2007, do 13 de xuño, así como as xerais derivadas da aplicación da normativa de axudas e subvencións.

TERCEIRA. Obrigas da Consellería de Presidencia, Xustiza e Deportes

1. A Xunta de Galicia, a través da Consellería de Presidencia, Xustiza e Deportes, cooperará na realización das actuacións á que se refire a cláusula primeira deste convenio de colaboración, mediante a achega máxima de SETENTA E TRES MIL EUROS (73.000,00 €) con cargo á aplicación orzamentaria 35.04.141A.481.1 (CP 2015 00097 *Fomento do asociacionismo veciñal*) dos orzamentos xerais da Comunidade Autónoma para o ano 2024.

Esta cantidade distribúese entre as entidades beneficiarias cos seguintes importes máximos:

Entidade	Orzamento	Importe da subvención
Confederación Galega de Asociacións Veciñais <i>Rosalía de Castro</i> (CoGaVe)	50.052,40	42.600,00
Federación de Asociacións Veciñais da Coruña e Área Metropolitana	7.900,00	7.900,00
Federación de Asociacións de Veciños de Lugo <i>Lucus Augusti</i>	7.903,35	7.900,00
Federación de Asociacións de Veciños de Ourense <i>Limiar</i>	8.325,61	7.900,00
Federación de Asociacións de Veciños <i>Castelao de Pontevedra</i>	4.700,00	4.700,00
Federación de Asociacións Veciñais <i>Roi Xordo</i> de Ferrol	2.470,00	2.000,00
TOTAIS	81.351,36	73.000,00



2. Os importes máximos das subvencións son os recollidos no certificado do acordo da Asemblea Xeral ordinaria de CoGaVe que tivo lugar o 1 de febreiro de 2024.
3. As achegas fíxanse como un importe certo e sen referencia a unha porcentaxe ou fracción do custo total, polo que queda por conta da entidade beneficiaria a diferenza de financiamento necesario para a total execución da actividade subvencionada.

No caso de que a execución do proxecto subvencionado teña un custo inferior ao inicialmente previsto, o pagamento da subvención realizarase de acordo co custo real do proxecto executado e xustificado, ata o límite do importe concedido.

De ser o caso, o financiamento público unicamente debe ser reintegrado polo importe que supere o custo total da actividade.

CUARTA. Gastos subvencionables

Ao abeiro deste convenio poderán financiarse os gastos nos que incorran ou tivesen incorrido as entidades beneficiarias para o financiamento da programación e desenvolvemento de actividades propias e gastos de funcionamento, aínda que se teñan efectuado con anterioridade á sinatura deste, sempre que se trate de gastos correspondentes ao actual exercicio económico.

QUINTA. Pagamentos anticipados

De acordo co establecido no artigo 31.6 da Lei 9/2007, do 13 de xuño, e no artigo 63.1.un, do Decreto 11/2009, do 8 de xaneiro, poderán realizarse pagamentos anticipados ata un total de 41.180,00 €, cos seguintes importes parciais por entidade beneficiaria:

Entidade	Importe da subvención	Importe máximo pagamento anticipado
Confederación Galega de Asociacións Veciñais <i>Rosalía de Castro</i> (CoGaVe)	42.600,00	16.860,00
Federación de Asociacións Veciñais da Coruña e Área Metropolitana	7.900,00	6.320,00
Federación de Asociacións de Veciños de Lugo Lucus Augusti	7.900,00	6.320,00
Federación de Asociacións de Veciños de Ourense <i>Limiar</i>	7.900,00	6.320,00
Federación de Asociacións de Veciños <i>Castelao de Pontevedra</i>	4.700,00	3.760,00
Federación de Asociacións Veciñais <i>Roi Xordo</i> de Ferrol	2.000,00	1.600,00
TOTAIS	73.000,00	41.180,00

A concesión dos anticipos realizarase mediante resolución motivada, logo de solicitude da entidade beneficiaria na que esta fará constar as razóns en que fundamenta a necesidade do pagamento inmediato para poder levar a cabo as actuacións inherentes á subvención, así como o importe do anticipo solicitado, o cal non poderá exceder da cantidade expresada no parágrafo anterior.

Para estes efectos, as entidades beneficiarias das subvencións reguladas mediante este convenio, están exoneradas da constitución de garantías en aplicación do establecido no artigo 65.4.c) do Decreto 11/2009, do 8 de xaneiro.



SEXTA. Conta xustificativa

1. Para percibir o importe restante da subvención ou o que corresponda no caso de non solicitar o seu pagamento anticipado, e en todo caso para xustificar a aplicación dos fondos percibidos, cada unha das entidades beneficiarias deberá acreditar a execución das actuacións e gastos subvencionados mediante a presentación da seguinte documentación:

- a) Certificación dos gastos realizados pola entidade beneficiaria imputables á actuación subvencionada, con detalle dos distintos conceptos e contías, asinada electronicamente pola persoa secretaria da entidade coa conformidade da respectiva presidenta ou presidente. Para estes efectos, considerase gasto realizado o que foi efectivamente pagado con anterioridade á finalización do período de xustificación establecido neste convenio
- b) Facturas e, no caso de gastos de persoal, nóminas, documentos RNT e RLC da Seguridade Social, e copia do documento Modelo 111. *Retencións e ingresos a conta* ou Modelo 190 presentados na Axencia Estatal da Administración Tributaria.
- c) Documentación acreditativa do pagamento da totalidade das actuacións con anterioridade á finalización do período de xustificación, mediante xustificante das transferencias bancarias que deberán estar debidamente identificadas, seladas pola entidade bancaria e asinadas pola entidade beneficiaria.

Só para gastos de contía inferior a 1.000 € admitirase a xustificación do pagamento mediante recibín do proveedor, sempre que no documento conste a identificación do perceptor e a data de recepción do pagamento. No caso de persoas físicas a identificación consistirá no nome e apelidos e o NIF e no caso de persoas xurídicas indicarse a denominación social e o NIF, con inclusión dos datos da persoa física que actúa na súa representación.

Non se poderá fraccionar o obxecto do gasto co fin de eludir a obriga de xustificar os pagamentos mediante copia de transferencia bancaria.

- d) O pagamento dos gastos de persoal acreditaranse mediante a presentación da seguinte documentación:
 - O pagamento de nóminas mediante xustificante da transferencia bancaria á conta do perceptor.
 - O pagamento das cotas da seguridade social, mediante a presentación do recibo de cargo en conta emitido pola entidade bancaria a través da cal se realice o pagamento.
 - A documentación xustificativa do ingreso na Axencia Tributaria das retencións e ingresos a conta do I.R.P.F., nos supostos en que este sexa subvencionable.
- e) Declaración responsable asinada electronicamente pola persoa representante da entidade beneficiaria na que conste:
 - O conxunto das axudas solicitadas para as actividades obxecto do convenio, tanto as aprobadas ou concedidas como as pendentes de resolución procedentes de calquera administración ou entes públicos ou privados, estatais, da Unión Europea ou de organismos internacionais e, de ser o caso, as contías solicitadas ou concedidas.



- Que a entidade beneficiaria non está incurso en ningunha das prohibicións establecidas no artigo 10, números 2 e 3, da Lei 9/2007, do 13 de xuño, de subvencións de Galicia, para obter a condición de beneficiario dunha subvención.

Para os efectos do previsto no artigo 11.e), 31.7 e concordantes da Lei de subvencións de Galicia, esta declaración será documento suficiente para acreditar que a entidade beneficiaria se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa administración pública da Comunidade Autónoma e que non é debedora por resolución de procedemento de reintegro.

- f) Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.

Á vista desta documentación, a Dirección Xeral de Administración Local expedirá certificación acreditativa do cumprimento pola respectiva entidade beneficiaria, e dentro dos prazos establecidos, dos requisitos esixidos neste convenio para proceder ao pagamento da subvención.

2. O prazo para presentar a documentación xustificativa da subvención será dende a formalización do convenio ata o 30 de novembro de 2024.
3. Producirase a perda do dereito ao cobramento total ou parcial da subvención no suposto de falta de xustificación ou xustificación insuficiente ou por concorrencia dalgunha das causas previstas no artigo 33 da Lei de subvencións de Galicia e demais lexislación aplicable.

SÉTIMA. Reintegros

1. Procederá o reintegro parcial ou total da subvención nos casos previstos no artigo 33 da Lei 9/2007, do 13 de xuño, e concordantes do Decreto 11/2009 do 8 de xaneiro.
2. No caso de producirse o incumprimento das obrigas das entidades beneficiarias da subvención recollidas na cláusula segunda deste convenio ou calquera outra das sinaladas no artigo 11 da Lei de subvencións de Galicia e demais lexislación aplicable, a entidade incumplidora comprométese a reintegrar as cantidades percibidas, se as houbese, xunto cos xuros de demora que deba aquel, segundo o procedemento establecido no título II do mesmo texto legal.
3. Procederá o reintegro do financiamento público polo importe pagado da subvención que supere o custo final xustificado do proxecto subvencionado, de conformidade co previsto na cláusula terceira deste convenio.
4. Igualmente, de conformidade co disposto no artigo 17.3 da Lei 9/2007, do 13 de xuño, procederá o reintegro do exceso percibido no suposto de que o importe da axuda, illada ou en concorrencia con subvencións ou axudas, ingresos ou recursos, supere o custo da actividade subvencionada.
5. De resolverse o convenio, a Consellería de Presidencia, Xustiza e Deportes, poderá esixir o reintegro das cantidades achegadas, de ser o caso.

OITAVA. Devolución voluntaria da subvención

De acordo co establecido no artigo 64 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro, con anterioridade ao requirimento previo da Administración, as entidades beneficiarias poderán realizar con carácter voluntario a devolución do importe da axuda obxecto de reintegro.

Esta devolución efectuarase mediante ingreso na conta operativa do Tesouro da Xunta de Galicia que corresponda, segundo o disposto na normativa reguladora do procedemento de recadación, e o importe incluírá os xuros de demora, de acordo co previsto no artigo 34 da Lei 9/2007, do 13 de xuño.

A entidade beneficiaria deberá presentar, ante o órgano concedente, copia xustificativa da devolución voluntaria realizada na que conste a data do ingreso, o seu importe e o número do expediente e denominación da subvención concedida.

NOVENA. Compatibilidade con outras subvencións

Conforme o disposto no artigo 40.1º, letra d) do Decreto 11/2009, do 8 de xaneiro, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da obra ou equipamento subvencionados.

DÉCIMA. Modificación do convenio.

1. As modificacións do convenio adoptaranse por acordo expreso e escrito das partes asinantes, a través da correspondente addenda e de acordo cos trámites que esixa a normativa vixente.

Calquera modificación deberá respectar o obxecto da subvención, as actividades subvencionadas e evitar actuacións deficientes ou incompletas.

2. Respecto da subvención concedida pola Consellería de Presidencia, Xustiza e Deportes, toda alteración das condicións tidas en conta para a súa concesión dará lugar á modificación do convenio, sendo de aplicación as previsións ao respecto contidas na Lei 9/2007, do 13 de xuño, e no regulamento da dita lei.

DÉCIMO PRIMEIRA. Facultades de inspección

A Consellería de Presidencia, Xustiza e Deportes, a través dos seus servizos, resérvase a facultade de realizar as inspeccións e comprobacións que considere necesarias co fin de asegurar o cumprimento das normas e requisitos cos que se concede esta axuda.

DÉCIMO SEGUNDA. Publicidade do convenio

1. As partes asinantes manifestan o seu consentimento para que os datos persoais que constan neste convenio, así como o resto das especificacións contidas nel, poidan ser publicados no Portal da Transparencia e Goberno Aberto e no Rexistro de convenios da Xunta de Galicia.

2. En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicárase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.

DÉCIMO TERCEIRA. Seguimento do convenio

1. Para facilitar o seguimento, o cumprimento e a coordinación do convenio, constituirase unha Comisión Mixta, integrada por dúas persoas representantes da Consellería e dúas persoas representantes de CoGaVe.
2. A comisión rexerá polo establecido na Lei 40/2015, do 1 de outubro, de réxime xurídico do sector público e estará presidida por quen acorden os membros da comisión por maioría simple e actuará como secretaria/o quen se designe da mesma forma.
3. A comisión poderá ditar as súas propias normas de funcionamento, debendo reunirse cando así o solicite algunha das partes.
4. As súas funcións serán:
 - Interpretación do convenio
 - Intervención previa á resolución por incumprimento
 - Proposta, de ser o caso, de addendas
 - Resolver cantas dúbidas se lle presenten polos membros integrantes
 - Calquera outra relacionada co desenvolvemento deste convenio

DÉCIMO CUARTA. Extinción do convenio

1. O presente convenio extingúese polo cumprimento das actuacións que constitúen o seu obxecto ou por incorrer en causa de resolución.
2. Son causas de resolución:
 - a) O incumprimento total ou parcial dalgunha das estipulacións que o regulan.
 - b) O transcurso do tempo fixado sen que se executen as actuacións obxecto da subvención ou sen se ter acordado a súa prórroga.
 - c) O acordo unánime de todas as partes asinantes.
 - d) A decisión xudicial declaratoria da nulidade do convenio
 - e) Calquera outra causa prevista nas leis

DÉCIMO QUINTA. Vixencia do Convenio

Sen prexuízo do establecido na cláusula cuarta, o presente convenio entrará en vigor o día da súa sinatura e estenderá a súa vixencia ata o 30 de novembro de 2024.

DÉCIMO SEXTA. Natureza do Convenio

O presente convenio ten natureza administrativa e as discrepancias que xurdan pola súa aplicación serán resoltas, logo de informe ou proposta da comisión de seguimento, pola



Consellería de Presidencia, Xustiza e Deportes, quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.

DÉCIMO SÉTIMA. Protección de datos

As partes asinantes virán obrigadas en materia de protección de datos a cumprir co Regulamento (UE) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos) e demais disposicións vixentes sobre a materia.

DÉCIMO OITAVA. Normativa aplicable

En todo o non previsto expresamente polo presente convenio estarase ao disposto na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da Lei de subvencións e demais normativa de aplicación.

En proba de conformidade co expresado neste convenio, asínase polas partes comparecentes na data consignada na sinatura electrónica.

O conselleiro de Presidencia, Xustiza e
Deportes

O presidente da Confederación Galega de
Asociacións Veciñais *Rosalía de Castro*

Diego Calvo Pouso

Fernando Rois Rois

A presidenta da *Federación de Asociacións
Veciñais da Coruña e Área Metropolitana*

O presidente da Federación de Asociacións
de Veciños *Roi Xordo* de Ferrol

María Luisa Varela Insua

Andrés Medín Fernández

O presidente da Federación de Asociacións
de Veciños de Lugo *Lucus Augusti*

O presidente da Federación de Asociacións
de Veciños de Ourense *Limiar*

Jesús Vázquez Varela

Manuel Mosquera Rodríguez

O presidente da Federación de Asociacións
de Veciños de Pontevedra *Castelao*

Juan M. Loureiro Taibo

